

DISSERTATIO PSYCHOLOGICA,
DE
ANIMÆ RATIONALIS
ORTU,

Quam,

Divinâ assistente gratiâ,

EX DECRETO ET AUTHORITY
AMPLISSIMÆ AC CELEBERRIMÆ
FACULTATIS PHILOSOPHICÆ IN ILLUSTR
ACADEMIA MARBURGENSI,
P R Æ S I D E
VIRO

Nobilissimo, Excellentissimo atq; Experientissimo,

DN. HENRICO MAJO,

Medicinæ Doctore, Serenissimi Hassiæ Princip.

Archiatro, Medicinæ & Physices in prælaudatâ Academiâ

Professore Ordinario, Medicæq; Facult. p.t. Decano, Præceptore,

Patrono ac Promotore suo, nullo non honoris
genere ad cineres venerando.

PRO MAGISTERII Laureâ ritè obtinendâ,

In Auditorio Philosophico,

Ad diem VII. NOVEMBER. Anno M.DC.LXXIV.

Publicæ Eruditorum disquisitioni subicit

JOHANNES HEYMELIUS,

Hebelenfis Hassus.

MARPURGI CATTORUM,

Typis SALOMONIS SCHADEWITZII, Acad. Typogr.

Anno M.DC.LXXIV.

VIRIS

Admodum Reverendis, Clarissimis ac Doctissimis,
DN. ADOLPHO FABRICIO, Vineæ Dei Cultori apud
Hombergenses vigilantissimo, ejusdemq; classis Metro-
politano meritissimo, Domino Meccœnati ac Patrono
suo omni honoris & observantiæ genere prosequendo.
DN. CHRISTOPHORO GUDENO, Diacono apud
Hombergenses & Pastori apud Holzhusanos disertissi-
mo, fidelissimo, Domino Fautori ac Promotori suo ma-
ximè venerando.

Ut &

Nobilissimis, Consultissimis VIRIS,
DN. NICOLAO Boll/ Civitatis Hombergensis ejus-
Quæstori, demq; classis meritissimis, Dnn.
DN. CASPARO HEISIO, } Patronis, Fautoribus ac Promo-
Prætori, } toribus suis summo honore cu-
mulandis.

Nec non

Gravissimis, Spectatissimis ac Prudentissimis VIRIS,
DNN. CONSULIBUS, CONSULARIBUS, omnibusq;
reliquis Senatorii ordinis ASSESSORIBUS, atq; Reip.
Hombergensis Gubernatoribus vigilantissimis, Everge-
tis suis optimè de se meritis & perpetim suspiciendis.

DISSERTATIONE M hanc
in

perpetua observantia tesseram;
Devota gratitudinis monumentum
ulterioris favoris incitamentum
exhibet & offert

JOHANNES HEYMELIUS.

Σὺν τῷ Θεῷ !

DISPUTATIONIS MEDICO-PHYSIOLOGICÆ,
DE
CALIDO INNATO ET HUMIDO RADICALI.
THESIS I.

Dari in natura aliquod calidum & humidum viventibus
proprium & ratio probat & experientia demonstrat.

Explicatio.

I.

Non est, credo, ullum in arte nostra Medica, quod crebrius
apud priscos istos Heroës, Hippocratem dico, Gale-
num, Aristotelem & alios, occurrat nomen, si non CA-
LIDUM NATIVUM & HUMIDUM RADICALE:
quod ipsum & Harvæus confirmat de generatione animal: Exerc. 71.
inquiens: Sæpè calidi innati mentionem incidere, & humidi pri-
migenii, quibus nominibus multos videas deliciari: ut adeò non sine
mente scripserit Sennertus, communis ille & non satis laudandus
Germanorum Medicorum præceptor, Inst. Med. lib. 1. cap. 5. *omnes
quidem Philosophi & Medici fatentur, calidum & humidum inna-
tum esse præcipuum animæ vegetantis instrumentum.*

2. Sic itaque de rei hujus identitate apud Philosophos æquè ac
Medicos constat, constititque semper: At verò quæ calidi hujus
nativi & humidi radicalis sit natura, in tantum olim dissenserunt
Authores, ut præstantissimus sui temporis Medicus Joh. Bapt. Mon-
tanus in Comment. ad Hippocr. Aphor. 14. sect. 1. de se ipso non
erubescat scribere: *Ego, ut ingenuè fatear, profitebar me Doctorem
esse, & vix tandem senex cognovi, quid esset calor innatus.* Et non
desunt viri magni, quorum judicio ne senex quidem illud integrè
penetravit.

3. Cum autem inter ipsos veteres, quibus eadem Medicinæ erant principia ac fundamenta, tanta hujus rei fuerit obscuritas, ut, quo quis in investiganda calidi innati natura plures Authores in consilium adhibeat, eò ferè incertior reddatur: quid hodiè fiet, ubi per Neotericorum inventa veterum fundamenta in tantum corruisse videntur plurimis, ut illis omnis ferè antiqua sapientia lusus & jocus videatur: unde quotidie de novis Medicinæ Institutionibus, Systematibus & corporibus cogitatur iis, quibus pleraque antiqua sordent maximè: siquidem ea est plerumque humanæ mentis curiositas, ut, priscorum pertæsa, semper nova læstetur, ipsaque, ut operum, ita & dogmatum sibi novitate blandiatur.

4. At, utut nemo, cui sine præconcepta mentis opinione & depurato ab invidia animo, nova illa ab Harvæo & aliis manifestata inventa sunt perspecta, ea non dicet & agnoscat in facienda Medicina utilissima; quòd non saltem verum partium principalium usum, ab Hippocrate succinctis aphorismis assertum, à Galeno autem *Asiaticâ illâ laquacitate* (quæ Cl. Lindenii sunt verba), obscuratum naturæ reddiderint & corpori: Sed & multorum insuper affectuum naturam, causas & medendi rationem, sæpè eousque, experienciâ potius quàm ratione suffultam (quod Cl. Conringii est judicium) intimius perspicere docuerint: Non tamen ideo statim delirasse vetustas dicenda est, quòd quædam aliter docuerit, quàm nos hodiè: Quin imò rectius hîc audiendus est Galenus 2. de sympt. caus. c. 5. inquit: *Vetus quidem sermo non est in totum verus, etiamsi quis eum commodè determinet: id quòd etiam facere par est, amicè potius veterum dicta interpretantibus, quàm malevolè arguentibus, cum teste Augustino 11. de Civit. Dei cap. 22. Divina nos admoneat providentia, non res insipienter vituperare, sed utilitatem rerum diligenter inquirere.*

5. Hoc ut impræsentiarum à nobis fiat, doctrinam de calido innato & humido radicali alius repetendam censemus: uti in thesi proposita facere tentavimus, assertionem nostram super *Rationem*, & *Experientiam* tanquam indubitata Dogmaticæ Medicinæ fulcra fundantes.

6. Et quidem *Rationem* quod attinet: cum ad unionem formæ vivæ cum sua materia necessariò requiratur aliquod instrumentum seu vinculum certum, in toto corpore non aliud excogitari poterit
verius.

verius, quàm calidum & humidum; siquidem juxta Aristotelem lib. de longit. & brev. vitæ, ipsa vita consistit in calido & humido, & ipso sacro codice teste Levit. cap. 17. v. 11. anima est in sanguine, qui utique est calidus & humidus.

7. Est autem hic calor & humor viventium singulariter blandus, adeoque diversus ab illo, qui omnibus corporibus mixtis inest; quod ad conjunctionem animæ viventis [tanquam præ forma mixti nobilioris] cum sua materia, nobilior calor & humor requiratur ad istam formam cum materia uniendam.

8. Neque obstat dictis, quod etiam peculiare frigidum & siccum requiratur ad corporis vivi constitutionem: siquidem ex Valerio Martini lib. 1. de certitud. Medendi cap. 31. & Francisco Valleio lib. 5. contr. Med. cap. 11. notum est, quod illæ qualitates non adeo evidenter agant, quàm calor & humiditas, unde & hæ duæ qualitates vocantur *radicales* corporis vivi, quatenus plerique Physici soli humiditati hoc tribuant, quod sit radicalis qualitas in vivo corpore, calori autem tribuant hoc peculiare epitheton, quod sit natus: uti pluribus patefcet infra.

9. De *Experientia* neminem credo, dubitare amplius, cui sanum est synciput, quod vel ad tactum actualis hic calor in sanguine tanquã indubitato humido se probet, imò moritur homo, quando in ipso extinguitur innatus hic cordis ignis, unde rectè Cl. Walæus Instit. Med. l. 1. c. 3. inquit: *Probaturs dari calidum innatum, quod in homine vivo datur aliquod calidum, quod non est in cadavere, & illud est calidum, quod in nobis vocatur innatum.* Hinc admirandum omninò artificium est juxta Sennertum l. c. quod calidum etiam tactu perceptibile in corpore animalium posuerit creator sapientissimus, quod toto vitæ tempore duret.

10. Et ab hoc actuali calore est, quod Hippocrati passim calidum hoc dicatur *πῦρ*, ignis, ob similitudinem quam cum igne focali habet tam in Effectis, lumine, calore, motu, quàm in necessariis ad conservationem sui: Habet enim is opus foco in quo ardeat; Fomite quo nutriatur, ventilatione, quâ exciteretur ejus vis; Transpiratione denique liberâ. ut sese diffundat. Quæ omnia hic quoque ignis animalis habet: nempe focum in corde; fomitem ab alimentis; ventilationem à spiritu quem ducimus; & denique pulsu diffunditur & transpirat,

5
& se à fuliginibus suis liberat : unde quóque hic ignis extinguitur, quando vel pabulo convenienti destituitur obruiturve, vel aëris com- modi inspiratione privatur. A Deusingio Exerc. de sangu. usu §.10. p.m. 7. vocatur flammula vitalis, quòd sit quasi ignis sui generis. Est enim revera calidum illud ignis naturalis. Ignis quidem ob causam jam dictam: Naturalem autem appello, quia & nativus est, & naturâ præ- ditus. Nativitas ejus ex semine est. Ratio originis consistit in mu- tatione τῆς ῥέσεως, schesis in eo, ut quod semen est & dicitur ante generationem, idipsum sanguine materno conceptum sit & dicatur calidum & humidum, uti ex sequentibus patefcer pluribus.

II. Cùm verò aliud sit calor & humor abstractivè dictus, aliud concretivè; Physici & Medici communiter de calido & humido vitali sic loquuntur, ut appareat eos non tam intelligere accidentia sive qua- litates in abstracto, sed in concreto substantias blando calore & humi- ditate præditas; uti ex lectione Authorum cuivis innotescet facilè.

THESES II.

Et calidum quidem illud nihil aliud est quàm Spiritus vitalis vulgò dictus; Humidum verò sanguis cui spiritus iste inest.

Explicatio.

I. SUnt utique calidum & humidum duæ diversæ substantiæ, & non unum corpus inseparabile, quod interdum sub nomine calidi, in- terdum sub nomine humidi veniat, uti quidem rectè secundum Gale- num & ejus asseclas, malè verò secundum Hippocratem & ipsam na- turam infert Keckerm. system. Phys. Lib. 3. c. 5. Quin imò ipsa calidi innati definitio ex Galen. lib. 1. super Aphor. Hippocr. 14. & lib. 6. de vulgar. morb. c. 5. præcipuè hausta hæctenus communiter Physicis & Medicis approbata, quâ illud dicitur *substantia prætenuis & spirituo- sa, caliditate cœlesti perfusa, quæ humido primigenio singularum partium corporis vivi ab ipso semine insita & inherens, præcipuus actionum in corpore vivo antor existit*: Si rectè explicetur, nostræ sententiæ, quâ duas distinctas substantias esse calidum nativum & humidum radicale dicimus, non contrariatur; neque etiam ratio illa à Keckerm. l.c. alla- ta, quòd nempe inseparabilia sint ista duo, ut nec calidum vitale esse possit sine humido, nec humidum sine calido, sed uno extincto etiam al-

terum

terum continuo extinguitur, aliud evincit: Sustainetur enim & conservatur sanguine alternatim in cordis ventriculos impulso, hinc & expulso, utpote pabulo suo, ignis cordis internus & vitalis, perficitur vicissim ab hoc igne sanguis, redditurque ab ipso reparandis & augendis omnibus corporis partibus tam continentibus quam contentis convenientissimus.

2. Et calidum illud non esse confundendum cum spiritu vitali, cuius planè alia sit ratio ceaset quidem Cl. Deusingius Exerc. de sang. usu §. 10. at contrarium, nempe calidum istud nihil aliud esse, quam spiritum vitalem vulgò dictum probatur partim Authoritate Scaligeri, qui Exercit. 208. inquit: *Scriptum reliquere sapientes, nihil aliud esse calorem naturalem, quam spiritum.* Aristotelis, qui 2. de generat. animal. c. 3. calidum innatum seu θερμόν, quod facit, ut fecunda sint semina, nominat τὸ ἐμπνεύσαν. λεγόμενον ἐν τῷ σπέρματι, καὶ ἐν τῷ ἀρρώδοντι πνεύματι, spiritum, qui in semine spumosoq; corpore continetur; & Galeni, qui 2. de simpl. Med. facult. c. 9. expressè scribit: *Calor innatus est, quem in quoq; animali nativum spiritum nominamus, de quo & Aristoteles scripsit, quiq; ex Stoicorum opinione ipsa animæ substantia habitus est; certè primum ejus instrumentum est, & in omnibus animantis continetur partibus.* Unde & Sennertus l. c. concludit: *Omniò consultius videri cum Aristotele substantiam hanc spiritum appellare, quam cum Medicis calidum nativum:* Partim ratione, quòd omne illud, quod aliàs calido innato tribuitur, multo commodius & rectius etiam de spiritu vitali explicari queat; cujus defectus imprimis conspicitur in animi deliquiis: uti pluribus probat & per partes Cl. Moebius Epit. Instit. Med. lib. 1. c. 5.

3. Sic & humidum, cum non sit manifestius in toto corpore præter ipsam sanguinis massam, ipso sensuum testimonio constare, adeoque ulteriori probatione vix opus habere thesin propositam censemus.

4. Aliter quidem hac in causa philosophatur Cl. Harvæus Exerc. de gener. animal. 71. quando dicit: *Non est opus profectò spiritum aliquem à sanguine distinctum querere aut calorem aliunde introducere, Deosve in scenam advocare, philosophiamq; fictis opinionibus onerare: domi scil. nascitur, quod vulgò ab astris petimus: Solus nempe sanguis est calidum innatum, seu primò natus calor animalis, &c. &*

paulo pòst: Nihil sanè in corpore animalium sanguine prius aut præstantius reperitur; neq; spiritus, quos à sanguine distinguunt, uspiam ab illo separati inveniuntur: &c. Quanquam autem non sine mente hæc aut ratione scripsisse probet abundè in subsequentibus vir ille de re medica meritissimus; nobis tamen magis hoc in negotio arri-det iudicium nunquam satis laudati Schenckii, qui scholæ partium cap. I. dans super hac re mentem suam inquit: Spiritus in nobis dari arguunt tum operationes tum effectus qui propriè in humores non cadunt: unde enim (1) calor, unde motus est in sanguine, unde lux, unde robur, unde agilitas summa? non ab humore, sed re spiritiosa. (2) in momentum sentire, videre, olfacere &c. non sunt corporeæ, sed si ita loqui licet, incorporeæ substantia effectus. (3) Virium debilitas vel robur non ex sanguine, sed ex spiritu metienda. Si enim ex sanguine, magna quantitas extracta debilitaret; sed contrarium est manifestum, imo gravat & suffocat potius spirituum virtutem, ut in plethoricis. (4) Liqueat in mortuo homine sanguinem in vasis videri, sed Spiritum nullum, qui si esset nil nisi sanguinis portio subtilior, attamen exhaustiri totum tam subito non posset: Accedit quòd diversa vasorum, qui sanguinem simpliciter venosum, qui arteriosum vehunt, qui animale spiritum continent & dispensant, & dispar omninò sit constitutio, ut hoc nomine nihil frustra conditum à natura facile observare liceat. Hactenus Schenckius, qui adeò satisfecisse scrupulis ab Harvæo motis videtur, ut ulterius aliquid superaddere nefas duxerim.

THESES III.

Cumq; passim apud omnes veteres illa calidi, sive spiritus divisio in insitum sive innatum & influentem, item humidi (quod nos de sanguine intelligimus) in Radicale & postgenitum occurrat: in tantum abest, ut illa per Recentiorum inventa sit abolita, aut iis contraria, ut potius eam ex Recentiorum quàm veterum hypothesebus explicari rectius posse, prudentes censeant, modò non diversas res, sed rerum diversos respectus & considerandi modos inferri hâc distinctione, observetur.

Expli-

Explicatio.

1. **D**E dicta spirituum divisione nemo dubitare poterit, qui à Galeno 2. de format. foetus c. 9. nominetenus duos loco & motu à se invicem differentes Spiritus descriptos legerit. Sunt autem verba Pergameni hæc : *Demonstratum est, pulsus calidis corporibus adesse. Nullum autem ex sanguine animal est manifestè calidum, neq; manifestè calidum ex sanguine. Erit quidem igitur & citra caliditatem cordis, insita à natura existens tepida caliditas in sanguine venarum, & ob id etiam in hepate, verum cor habent animalia veluti ignis focum quendam, nam & citra hoc caliditas sanguineorum animantium consimilis est foco in adibus æstatis. Ceterum quemadmodum domus incenso in ipsa igne fit calidior, sic & corpus animalium ex corde acquirit majorem caliditatem eâ quæ insita est à natura venis ac hepati & sanguini videlicet in eis contento : Et 5. de simpl. Med. facult. c. 9. ubi de caloris nativi differentiis differit, apertè faterur : Eum spiritum in omnibus animantis partibus, sed non undiquaq; esse sui similem, veluti nec sanguinem esse. Quod ipsum ulterius, & disertissimâ quidem oratione manifestatur ab eodem lib. 1. de usu pulsus cap. 4. quando dicit : Non ergo est similis calor is, qui cordi naturalis est, & qui cæteris partibus : cum id fovere semper sit opus. Hactenus Galenus.*

2. Sic & ipse Cous indubitatus Medicorum Princeps dum 1. Aphor. 14. & 15. expressis verbis calidi innati τὸ ἐμὸν δὲ ἴσχυρ ἰσχυρὸν mentionem facit : necessariò ejus oppositum, nempe calidum influens, vel tacitè simul subinnuit : id quod etiam pluribus declarat Galenus in commentario ad hos Aphorismos, simul confirmans per humidum Radicale subintelligendum sanguinem, dum inquit : *Substantia innati caloris aërea est & aquea, sicuti ex semine licet conjectari, quòd paucam omnino terrenam substantiam participat, plurimum autem aëris calidi humidiq; in se ipso continet, quemadmodum in commentariis nostris de semine ostendimus. Jam verò & alterum generationis nostræ principium sanguis menstruus humidum natura est.*

3. Atque hoc equidem modo doctrina veterum distinguit calidum innatum seu spiritum insitum, & calidum influens seu spiritum influentem à corde identidem ex sanguine productum, & cum sanguine ad partes omnes transmissum : ut & humidum illud oleosum & pingue, quod primigenium vocant, & pro proximo spiritus insiti
veluti

veluti flammulæ cujusdam vitalis, pabulo habent, (pabulo nempe improprie dicto, veluti itidem flammula ista improprie vivere dicitur) & juxta Cl. Sylvium disp. Med. I. §. 5. reapse nihil est aliud, quam sanguis laudabilis, ob continuam sui consumptionem, reparatione indigens, continuâ ab eo sanguine qui indies ex alimentis generatur noviter, uti illud nemini Medicorum non est notum. Et voluerunt hujus distinctionis patroni utriusque discrimen demonstratum reddere in certis quibusdam morbis, v. g. in gangræna, sphacelo à perfrigeratione inducto: ubi profectò nemo non videt, influere continuo spiritum ad partem perfrigeratam frigidam, sed nihil posse opis afferre, eò quòd innatus ille & temperamentalis protinus à frigore fuerit corruptus, unde ocyôr succedit partis putredo & ejus corrupt.

4. At verò an hæc ipsa veterum doctrina hodièdum, post tot tamque varia Recentiorum cum Anatomicorum tum Medicorum inventa firmo adhuc stet talo, ita ut non plus confundat, quam doceat? de eo vel maxime dubitant non elumbes quos habet illa alla ta divisio hostes: qui aliquod calidum actuale à vitali spiritu in corde suscitato & inde ad partes misso diversum, cæteris partibus non connatum esse, probant vel inde: quòd simulac in syncope nullus calor ad partes à corde defertur, vel quando aliàs impensè debilis est, vel planè extinguitur ille nativus cordis ignis, mox nullum actuale calidum supersit in partibus à corde remotis, unde clarum erit facile, quòd calidum insitum & influens utrumque à corde veniat, & sic non tam specie quam motu differant.

5. Et certè jugulum distinctioni illi veterum hæc Recentiorum petet Ratio, si non utrinque rem esse unam, sed modum ejus considerandi respectumque diversum dicamus: Id quod pulchrè expressit Cl. Straussius, qui non obstante quòd olim cursus Medici Disputat. 4. Thes. I. dixerat: *Calidum innatum cum spiritu vitali res est eadem*, dilectis Collegii disputatorii Medici Exerc. 2. th. II. pronuper asserere non dubitat verbis: quòd calor, qui ad temperamentum animalium refertur, alius ut insitus, alius ut influens considerari soleat: quorum ille origo vite seu immediatum ipsius anime organum sit, quo ad functiones naturales exercendas utatur: Illius vero fontem & suscitabulum in animali, cor esse, quod ipsum sui motu, qui ab insita seu innata facultate perficitur, per se incalescat, & veluti factâ quâdam

dam fermentatione sanguini calorem communicet, qui, quòd unà cum sanguine per arterias in totius animalis œconomia recessus dimanet, influens vocari sueverit. Hæc ille. Quibus perbellè consentit Augustissima illa Celeberr. Schenckii partium humani corporis schola lect. 1. part. 1. cap. 2. hunc in modum docens: Quod ad ipsam divisionis (subintellige spirituum seu calidi) rationem spectat, non quidem alium esse influentem ab insito spiritu nos credimus, habent enim easdem & similes operationes: sed hoc interea cur non concedatur videre non possumus, eatenus nimirum influentem insitum dici, qui etsi naturâ influens sit, cùm tamen primus ad partem accedat eamq; illustret, actionisq; primarium instrumentum sit, hæc ratione figi quodammodo in partibus & quiescere; Interea ratione successionis & motus, à corde communicatâ novâ substantiâ vigescere & vegetari, cùm hoc maximè faciat ad naturam spirituum exactius cognoscendam. Et certè nisi aliud habuissent veteres hujus divisionis Authores principium, quo confirmarent assertionem suam, sufficeret tamen vel unicum hoc, quòd cordis substantia non tam ex solida & humida, quàm spiritiosa substantia sit composita, à quâ cùm postea ipse sanguis, & ex hoc ipse spiritus influens & vitalis conficiatur, nonne applausum meretur: priorem spiritum à posteriori differre, & hanc distinctionem optimè ferri posse in scholis. Hactenus Schenckius. Nos præterea hîc notamus, idem calidum dici nativum, quia generando productum est: Innatum, quia producendo existit in subjecto novo: Insitum, quia nascendo inseritur, ubique tamen rem esse unam.

6. Ex illis quæ hactenus de spiritibus seu calido sunt dicta, facile jam & secundi nostri asserti de sanguinis seu humidi distinctione veritas elucelcere poterit: non paucioribus enim difficultatibus & illud laborat dogma quod sanguinem seu humidum primigenium à postgenito specie differre statuit. Nos, qui ortum animalium ex calido & humido esse, vitamque in calido & humido consistere, adeoq; hæc duo arctâ necessitudinis lege copulari, scimus; non dubitamus eodem modo de hoc humido seu sanguine nunc, ut entè de calido seu spiritu philosophari: nempe eundem sanguinem, quatenus in primâ generatione cordi inseritur, & ex eo tanquam radice sanguis postgenitus oritur, *humidum radicale*: quatenus autem postea ex alimentis vi caloris cordis multiplicatur & cum spiritu per arterias ad partes in-

B

fluit,

fuit, postgenitum seu influens dici statuentes firmiter ; ubi iterum simul notamus, idem Humidum dici primigenium, quia primò fuit quod fit, & primum existit in eo quod fit : Radicale, quia radix est & causa humidi ad partes propagati, balsami naturæ.

7. Reliqua quæ de calido nativo & humido radicali ab authoribus adferri solent, cum non sint adeò controversa, quin ex dictis ritè explicari queant, nunc studio prætermittimus. Interea

πάντα τῷ Θεῷ δοξα.



C O R O L L A R I A

à Respondente adjecta.

I.

MOrbus non est nuda & simplex sanitatis privatio, sed insuper mala subjecti affectio & dispositio.

2. Fœmina non minùs quàm viri omnia vasa spermatica habent:

3. Unde testes non σπυεῖς χάρειν, sed seminis γοῦπος elaborandi gratiâ eadem à naturâ obtinuisse certum est;

4. Hinc mulieres non sunt ἀσπογοί.

5. An aqua, quæ ex latere Servatoris nostri vulnerato effluxit, fuerit ichor aliàs naturaliter in pericardio contentus? Neg.

6. Non dantur symptomata causa.

7. Calor febrilis non differt à nativo.

8. Urinam sanam non bilis, nec Σία admixta, sed ꝑi partes ꝑææ colore illo aureo tingunt.

9. Falsò conjicit Riolanus musculum Trapeziū, vulgò cucullarem dictum, Protoplastis esse impositum in tesseram vitæ religiosæ seu monachalis.

10. Nutritio non fit externâ appositione: sed humoris nutritii per omnes membrorum minutissimas particulas penetratione, ejusdemq; secundum omnes partium dimensiones unitione atq; assimilatione.

11. An Renati des Cartes primum principium de dubitando sit justa & vera methodus perveniendi ad sapientiam, an potius imprudentibus proxima ad Atheismum via? Aff. post.

12. An idem rectè statuatur cordis & arteriarum diastolen simul fieri, & excitari à guttis sanguinis in cordis ventriculos illapsis, ibidemq; à calore

calore ejus ebullientibus & dilatatis, & quidem eo tempore, quo cor
pectus exterius ferit, & juxta Cl. Harvejum est in systole? Neg.

13. An alvi dejectio in phthisi confirmata mortem imminentem certo den
nuntiet? Aff.

14. An mulieri uterum gestanti medicamenta purgantia à quarto usq.
ad septimum mensem tutò exhibeantur, V. S. autem eidem quovis
tempore periculosa sit, præsertim si fœtus grandior? Aff.

15. An in omni peste hæc tria simul adsint, bubo, carbunculus & pete
chie? Aff.

16. An febris pestilens differat à pestilentia? Aff.

17. An in hisce malis tutò adhibeantur purgantia & V. S.? Neg.

18. An in dysenteria medicamenta purgantia habeant locum? Aff.

19. Empyema paracenthesi thoracis plenè solvi potest, non item hydrops
ascites perforatione scroti vel abdominis.

20. Melones cucurbitis, & hæ cucumere deteriores sunt.



Ad

Nobilissimum & Pereruditum DN. RESPONDENTEM.

FRUCTIBUS ingenii cùm sis *Autumnus* & *Æstas*,

Ac facie referas *Veris*, Amice, decus;

Cur tamen appellaris *Hyems*? cur nomen & omen

In te tantopere sunt inimica sibi?

Num fortè mundum mendaci fallere larvâ,

Ac illud, quod non diceris, esse placet?

Imò puto, (verum modo tangat opinio) nato

Pars anni voluit quæque favere tibi.

Hinc quia rem dederant felicia tempora totam,

Nil reliquum præter Nomen habebat *Hyems*:

Hoc dedit, ac *Hyemem* proprio te nomine dixit,

Nomen habes igitur, prætereaque nihil.

Scilicet innatum monstras, WINTHERE, calorem

Et mentem indicio sufficiente probas

Nos acclamamus: Non es, quod diceris; aut, si

Nomen amabis, *Hyems*, sed paradoxa mane.

Hæc amico suo per charo ponere voluit debuit

HERMANNUS ANDTFELT, Homberg.

Hassus.

So kömst du/ Wehrter/ auch zu jenen grossen leuten/
 Die ihnen konten ruhm und ehr und gut bereiten
 Durch unsre Heil-Arznei. Wie Podalyrius/
 Machaon/ Trismegist/ und Aesculapius/
 Chiron/ Archigenes ; die ersten Wunderthäter/
 Darzu Galenus kömt/ des Hippokras vertreter/
 Themison/ Mithridat. Und nun Sernelius/
 Der köstlich schreibt und heilt/ zusamt Vesalius/
 Sind jener Vätter zucht. Der schöne Paracelsus
 Hat dennoch seinen ruhm : Viel schönern doch der Zelsus/
 Der Aerzte Tullius. Herr Winther/der izt schreibt
 Von eingebohrner wärmbd/ wird Solchen einverleibt.

Mit diesem geringen hat seinem wehrten Freund
 schuldigst aufwarten wollen

JOH. GREGORIUS Schönfeld.

* * * * *

Q uid demum vigili mente volumina Evolvisse juvat? Quicquid Averroës Aut Hermes vetulâ deposuit manu, Aut Coum filicernum. Quod dudum rapido pollice texuit Fallax Penelope nocte retexere Fotum multiplici fraude decennium Invisos tenuit procos. At nunquam Lachesis prætereuntia Emendat refluo secuta turbine Nec vi , nec gemitu nec medica- mine Tardes jura Proserpinæ. Fixa lege meat non revocabilis Fatorum series, quem tibi terminum Insculptum taciti consilio Dei Vita diptera dixerit.	Frustra, seu fuerit de Paracelsicis Furnis elicited, sive Galenicè Incoctum variâ pyxide, jusculeum Audaci ore ligurias. Sed nemo sapiens, spreverit ordinem Aut istud mediû quo sacra numinis Mundum cura regit, non modò ter- minum Et signat medium Deus. Sanæ mentis inops, qui sine navibus Pertransire velit cœrula qui bona Rerum de vario deligit agmine Consulto sapiet Deo. Tu, qui Pœoniæ scripta scientiæ Vestigas studio & sollicita manu Mi Winther, medicam fed meritam tibi Laurum præscius ominor,
---	--

*In honorem Politissimi & Doctissimi Domini Wintheri
 amici & fautoris sui adjecit*

J. H. HAXTHAUSEN.